



## Compact of Free Association Premium Assistance Program (CPAP), Oregon Health Plan (OHP) kajjitok ko me rokwut *(Marshallese)*

### Wawein topar eok:

- Oregon Health Plan (OHP) nan jipan customer ro: 800-699-9075 (ejjelok wonaan)
- Client services nan ro roj ped iumin OHP: 800-273-0557 (ejjelok wonaan)
- Hotline nan kappok jipan jen nurse koj ped iumin open card (ej pelok 24 awa aolep raan): 800-562-4620 (ejjelok wonaan)
- Oregon Health Insurance Marketplace, COFA Premium Assistance Program: 855-268-3767 (ejjelok wonaan)
- Marketplace nan jipan kon application (HealthCare.gov): 800-318-2596

### Naan in jippan:

- **COFA Premium Assistance Program** ekar jipan elon armej ilo Oregon im ro roj delon tok nan United States iumin Compact of Free Association nan kolla wonaan ejmour coverage premium im jen jaan ko aer make.
- **Coordinated Care Organization (CCO)** ekar ejaak elon jipan ko (ejmour nan enbwin, anur im mojno ilo kolmenlokjen, im docto in komman nii) roj jermal ippen doon nan ro emoj bok OHP. CCO ko roj lale ta ekkar nan client ro aer einwot ri-tonal ro. Enaaj wor am make CCO emoj aer karoke jen wot bukwon eo koj joke ie.
- **FAQs** roj kajjitok ko rokkwut. Ilo laajrak kein, jej uak kajjitok ko eka aer walok. Ne ewor am kajjitok, jouj im enaan tok.
- **MSP** ej jippan kolla wonaan ro ewor aer Medicare benefits im wonaan likijap ko jut.
- **Open card** ej juon jokjok eo me ej kalikkar ne juon uwaan OHP ejjelok an CCO. Ro uwaan open card remaron jela won roj bok OHP coverage. Ne kojjab lukkin jela kon benefit kein am, call OHP client services unit ilo 800-273-0557 (ejjelok wonaan) nan kajjitok.
- **Oregon Health Plan (OHP)** ejjelok oktak jen Oregon's Medicaid burookraam eo. Kien eo elap im an state roj kolla wonaan burookraam in ejmour nan ro edik wonaer ilo jikin jerbale ilo Oregon.

### Kajjitok ko rokkwut:

1. Won ekkar nan OHP?  
Oregon Health Plan (OHP) eo ej lewaj health coverage nan ro edik wonaer im rej jokwe ilo Oregon, ekutbuuj baamle ko rej jermal, ajiri ro, ribororo ro, single ro, kab alap ro. Kokar ko an OHP benefits rej bedbed ionon jonan iio, kobban jikin jokwe, woneen rijerbal, im kadkad iumwin immigration nan rutto ro rejjab bororo. Raan kein, kokar ko an OHP emoj aer eddoklak nan ri-Oregon im ro rekar delane tok United States iumwin kwon eo an COFA.
2. Ij aikuj in ke kanne nan COFA Premium Assistance Program eo?

Jaab. Konke ewor oktak ikujjeen Medicaid, komaron kio kanne nan OHP benefit ko. Menin emoj an komman bwe en jemlok COFA Premium Assistance Program eo.

3. Ne ewor ao OHP, ij aikuj in ke file nan income tax?

Ne emoj an kar wor am health coverage ippen Marketplace eo, kwoj aikuj in file tax nan jabdewot premium tax credits ro rekar kollaik medical insurance ko am mokta jen am kar maron bok OHP. Kwojjab aikuj file tax nan am report e OHP benefit ko am.

4. Elmin aer nej letok juon ao CCO?

Elkin am kanne nan OHP im ededelok an approve benefit ko am, ronej lewaj juon am CCO ekkar nan bukwon eo kwoj jokwe ie. Lale chart ilal nan lale CCO ro ilo bukwon eo am.

5. Elmin ao pikot won ej CCO nan io?

OHP remaron jipan eok: 800-273-0557 (ejjelok wonaan). Chart e ilal ej kwalok CCO bukwon eo am.

<b>Coordinated Care Organization</b>	<b>Contact</b>	<b>County</b>
Advanced Health	541-269-7400 800-264-0014 (toll-free)	<ul style="list-style-type: none"> <li>• Coos</li> <li>• Curry</li> </ul>
AllCare CCO	888-460-0185 (toll-free)	<ul style="list-style-type: none"> <li>• Curry</li> <li>• Josephine</li> <li>• Jackson</li> <li>• Parts of Douglas</li> </ul>
Cascade Health Alliance	541-883-2947 888-989-7846 (toll-free)	<ul style="list-style-type: none"> <li>• Parts of Klamath</li> </ul>
Columbia Pacific CCO	503-488-2822 855-722-8206 (toll-free)	<ul style="list-style-type: none"> <li>• Clatsop</li> <li>• Columbia</li> <li>• Tillamook</li> </ul>
Eastern Oregon CCO	503-765-3521 888-788-9821 (toll-free)	<ul style="list-style-type: none"> <li>• Baker</li> <li>• Gilliam</li> <li>• Grant</li> <li>• Harney</li> <li>• Lake</li> <li>• Malheur</li> <li>• Morrow</li> <li>• Sherman</li> <li>• Umatilla</li> <li>• Union</li> <li>• Wallowa</li> <li>• Wheeler</li> </ul>
Health Share of Oregon	503-416-8090 888-519-3845 (toll-free)	<ul style="list-style-type: none"> <li>• Clackamas</li> <li>• Multnomah</li> <li>• Washington</li> </ul>
InterCommunity Health Network	800-832-4580 (toll-free) 541-768-4550	<ul style="list-style-type: none"> <li>• Benton</li> <li>• Lincoln</li> <li>• Linn</li> </ul>

Jackson Care Connect	855-722-8208 (toll-free)	<ul style="list-style-type: none"> <li>• Jackson</li> </ul>
PacificSource Community Solutions	800-431-4135 (toll-free)	<ul style="list-style-type: none"> <li>• Crook</li> <li>• Deschutes</li> <li>• Hood River</li> <li>• Jefferson</li> <li>• Parts of Klamath</li> <li>• Lane</li> <li>• Marion</li> <li>• Polk</li> <li>• Wasco</li> </ul>
Trillium Community Health Plan (North)	877-600-5472 (toll-free)	<ul style="list-style-type: none"> <li>• Clackamas</li> <li>• Multnomah</li> <li>• Washington</li> </ul>
Trillium Community Health Plan (South)	541-485-2155	<ul style="list-style-type: none"> <li>• Lane</li> <li>• Western Linn</li> <li>• Douglas</li> </ul>
Umpqua Health Alliance	541-229-4842	<ul style="list-style-type: none"> <li>• Most of Douglas</li> </ul>
Yamhill Community Care	855-722-8205 (toll-free)	<ul style="list-style-type: none"> <li>• Yamhill</li> <li>• Parts of Washington</li> <li>• Parts of Polk</li> </ul>

6. Imaron ke kojerbal takto eo ao kio?

CCO eo am emaron lewoj joun am make takto. CCO eo am enaaj jilkinwaj joun am lota nan am jela kajjeen takto eo am. Komaron bar iwoj juon identification, eo im ej kwalok laajrak in etan takto eo am emoj karok e waj. Ne kokonaan jenij i takto eo am, enaan lak nan CCO eo am.

7. Imaron ke lo lak takto eo ao?

Koj aikuij kojerbale takto ro emoj karok e ippen CCO eo am. Ne koj aikuij jippan kappok am takto, eron enaan ippen CCO eo emoj karok nan eok.

8. Ij aikuij in ke kolla ki wonaan wuno, jippan ko kajojo, ak nan komman iien lolok ko ao ne ewor ao OHP?

Ejjab aikuij in kar wor wonaan am kapok jippan kein bwe emoj an OHP bok eddoin. Ne ewor, kab lolodjake in boktok CCO card eo ippam nan iien appointment. Komaron bok am melele ippen CCO eo am nan am jela ne eddelon burokraam kein.

9. Ta ko OHP emaron loorloojaki?

Jaat e ilal ej kwalok iminene in jippan ko iumin OHP. Emaron bar wor ial in jippan ko kajojo iumin OHP. Ne ewor am kajjitok kon ial in jippan ko jabdewot, enaanik tok CCO eo am.

**Kollaajerak in jippan**

**Jippan ko kajojo**

Ejmour jen Anurlep (Healthcare recovery from Addiction)

Komman Ni

- Jippan ko iumin kareo ni, wanij, karpem, im katteep.
- Iien komokaj ak jidimkuj in metak
- Ni nat

	<ul style="list-style-type: none"> <li>Stainless steel crown nan jippan kon ni no.</li> <li>Ewor crown ko jut nan ri bororo im ajiri ro iumin 21 aer iio.</li> <li>Sealant, root canals ko na ilik ni nan ajiri ro iumin 21 aer iio.</li> </ul>
Ronlokjen	<ul style="list-style-type: none"> <li>Kein jippan im teej nan jarronron</li> </ul>
Ejmour ilo jikin kapijukune	<ul style="list-style-type: none"> <li>Nooj nan ri jippan</li> </ul>
Hospice care	<ul style="list-style-type: none"> <li>Maanjappopo nan iien mij</li> </ul>
Aujpitol jikin Ejmour	<ul style="list-style-type: none"> <li>Aujpitol jikin Ejmour</li> <li>Diwoj im delon in ri naninmej</li> </ul>
Immunizations and vaccines	<ul style="list-style-type: none"> <li>Kain ne an wa in flu ak wa in measles-lopper-bok</li> </ul>
Euwe kolo, kemmour, im elikin kemmour	
Teej in lab im pija nan x-ray	
Jipan ikijeen keejmour jen takto, nurse practitioner ro ak ri jipan ro an enbwin	<ul style="list-style-type: none"> <li>Kein ne an checkup ak appointment ko kajojo</li> </ul>
Kein jermal ko nan jipan kon ejmour im mwieuk	<ul style="list-style-type: none"> <li>Kein ne an ri tonal ilo aer aikuij kein teej ak jokon</li> </ul>
lal nan jikin takto	<ul style="list-style-type: none"> <li>Einwot ambulance ak ejabdewot wa eo emaron boklok eok nan ien appointment</li> </ul>
Takto in kolmenlokjen	<ul style="list-style-type: none"> <li>Einwot therapy ak bok uno in takto</li> </ul>
Ejmour ilo anbwin, jermal im kilen kenono	
Uno ko takto rej rejan bwe jen buki	<ul style="list-style-type: none"> <li>OHP ippen Limited Drug ej bok wot uno ko mwe Medicare Part D ejjab kobari</li> </ul>
Lolokjen	<ul style="list-style-type: none"> <li>Jermal in takto</li> <li>Jermal nan kajimwe lolokjen nan ribororo ro im ajiri ro rediklok jen 21 iio</li> <li>Ekabar woneen mej in pilo nan ribororo ro im rutto ro ewor aer naninmej kein einwot jorreen in mej jen ke rekar lotak or elikin kar aer mwijmwij in mej</li> </ul>

10. Imaron ke lose i OHP eo ao?

Ne emoj am toprak nan OHP, Notice of Eligibility eo am enaaj komelele ki oktak ko koj aikuj in report nan OHP. Elon jipan ko jen OHP remaron jemlok ne konaaj ioon jet oktak ko, einwot emakit jen joun bukwon nan bar bukwon. OHP enaaj jilkinwaj juon lota in bok melim aolep iio nan am maron kokaal jermal in bok jipan kein. Ne kwojab maron eoron lota in, emaron kaanjel ialan jipan kein nan kwe. Aurok bwe kwon ukot address eo am elanne konaaj emmakut. Ne ella jen 30 raan in am jako jen bukwon eo am, emaron kilok jipan kein am. Ne iien am jeplaak, komaron bar apply nan OHP.

11. Ta enaaj walok ne ij aikuj in emmakut jen Oregon elon lok jen 30 raan?

Koj aikuj kojela im ba ejjab aitok am emmakut jen Oregon. Ne koj emakit naboj in Oregon, jipan ko jen OHP roj bojrak. Komaron bar apply nan OHP ne emoj am jeplaak tok nan Oregon.

12. Ej jermal ke OHP ne iien ao emakit jen state nan state (nan iien lo lok, jokwe, im men ko eierlok wot.)?

Komaron kojermal jipan kein jen OHP nan emergency ak kauno ne kwoj bed ilo bar juon state ak bukwon. Kwoj aikuj jermal ippen ri-letok melele eo im CCO eo nan maron lale ta eo OHP is kabor e ilo ien rot in. OHP eban kabor e service elanne ej naboj in United States. Ne kwoj emmakut in jokwe ilo juon bar state ako bukwon, kwojjab maron bok jipan kein jen OHP.

13. Ejjelok ao I-94. Inij ke aikuij I nan OHP?

Aet, emoj kakien bwe koj aikuij in letok melele ko jen I-94 eo am nan am maron apply nan OHP. Ne ejjelok am, komaron lewoj copy in passport eo am ak I-766 Employment Authorization Documents eo am maron lale immigration status eo am. Ronaaj kajjitok ne komaron in kwalok peba copy in immigration document eo am. Ne iien aer kajjitok i, komaron jilninlok am copy, botab aikuij walok maanin im iliikin in peba in immigration eo am.

14. Expire passport eo ao. Ewor ke jorraan?

Ejjab. Komaron kojermal I-94 eo am, passport ko jut, ak I-766 Employment Authorization Document nan am maron kamool immigration status eo am.

15. Emoj an itok lota in kabojrak ao maron delon nan OHP. Ta eo imaron komane?

Notice of Eligibility eo am ej komelele ki wonin am jab maron bok jipan jen OHP im emaron dedelok aer jilninlok melele ko am nan Marketplace eo. Ne ewor am kajjitok kon am kajeon delon, call tok ri jipan ro an OHP ilo 800-273-0557 (ejjelok wonaan).

16. Etke ij aikuij in jenij jen COFA Premium Assistance Program nan OHP?

Emoj an ajedeed kakien ko iumin Medicaid, melelein armej ro emoj aer delon tok nan United States iumin COFA treaty eo, remaron bok jipan iumin OHP. Ne kokar nan bok aolepen jipan ko iumin OHP, kwojjab maron in bok jaan in jipan iumin HealthCare.gov. Ne kwojjab eligible nan premium tax credits konaaj tum jen COFA Premium Assistance Program.

17. Nan ri palele ro, ta enaaj walok ne komro pad ilo joun wot Marketplace, ak joun iaamro ejab teru nan OHP?

Ne komiro kar emakit tok nan United States iumin COFA treaty ne, kom aikuij mokaj in call e OHP customer service ilo 800-699-9076 (ejjelok wonaan) nan am kamool ke kokar im ejimwe am melele. Ne ejjet, koj aikuij in keoron lak HealthCare.gov -call 800-318-2596 (ejjelok wonaan)-bwe kio emoj am delon ilo OHP (Medicaid). HealthCare.gov emaron kaanjel coverage eo am im likit ri palele eo mottam iumin karok eo an Marketplace plan eo. Ne joun iaami ej ped iumin OHP im ejjab kaanjel e plan eo an ilo HealthCare.gov, COFA Premium Assistance Program eo enaaj bojrak aer kollaki komwij. Ne koj aikuij jipan ilo am tilmake tok oktak kein nan HealthCare.gov, konnaan tok nan OregonHealthCare.gov/getHelp.

18. Imaron bok Medicare im OHP?

Ne ewor am Medicare, komaron ekkar nan Medicare Savings Program eo me ej jipan kadiklak wonaan am jolak. Komaron delon nan men kein jimor Medicare im OHP, wawa iion am ejmour.

19. Emoj an 65 ao iio, ijjab maron delon iumin Medicare. Imaron ke delon iumin OHP?

Komaron delon nan jejo burokraam ne 65 iio ak ro rorutto, bwijwola, pilo, ak ro roj wutamwe ilo enbwin.

20. Ij aikuij in kolla wonaan premium eo ao nan Medicare part A im B. Imaron ke bok OHP?

Komaron delon nan Medicare Savings Program, ej lewoj jaan in jipan nan kolla jabdewot likjab iumin Medicare. Komaron delon iumin jipan ko an OHP im kobaki ippen Medicare eo am.

21. Ta melelein Medicare Saving Program?

Medical Saving Program ej joun Medicaid burokraam nan armej ro rokkar nan Medicare. Ewor jillu labol ko nan Medicare Savings Program ko. Errane:

- Qualified Medicare Beneficiaries (QMB): State ej kollaki Medicare eo am aolep allon ekkar nan am kar kelet in injuran im jaan ko kwar make jolak nan am maron delon ilo Medicare burokraam eo. Ne kokar nan QMB, emaron kadiklak wonaan am kauno iumin injuran eo am im kadiklak wonaan am kauno.
- Specified Low-Income Medicare Beneficiary (SMB): State ej kolla wonaan Medicare part B premium. Konaaj bok jipan nan am maron in kadiklok wonaan am wuno iumin injuran eo am im kadiklak wonaan am kauno.
- Specified Low-Income Medicare Beneficiary (SMF): State ej kolla wonaan Medicare part B premium. Konaaj bok jipan nan am maron in kadiklok wonaan am wuno iumin injuran eo am im kadiklak wonaan am kauno.

22. Ear itok juon letter ej ba ewor ao QMB, ta in?

State eo an Oregon ej kollaiki Medicare Part A im Part B aolep allon premiums im men ko jet kwoj make kollaiki jen jeen ko am make nan kwon in jermal ko an Medicare. Ne kwoj maron bok QMB, enej bar diklok woneen uno ko am im dilok woneen am bar rool in kanne uno.

23. Ekar itok juon letter ej ba ewor ao OHP, ako emoj an wor ao Medicare. Etke?

Emaron konke edik am kolla im ekomman bwe kwon maron qualify nan jipan ko jimor ikkujeen OHP im Medicare. OHP enaaj kollaiki jipan ko jabdewot, einwot burokraam in kejarok mej im nii, bwe Medicare ejjab maron in bok eddoin

24. Won eo imaron call e elanne enaaj wor ao kajjitok ikujjeen Medicare ak Medicare Savings Program?

Ne ewor am kajjitok ikujjeen jipan ko an Medicare, kol e Oregon's Senior Health Insurance Benefits Assistance (SHIBA) burokraam ilo nomba ne 800-722-4134 (ilo ejjelok woneen). Ne ewor am kajjitok ikujjeen Medicare Savings Program ak jipan ko an OHP nan armej ro ilo Medicare, kajjeon topar Aging and People with Disabilities (APD) ak Area Agency on Aging (AAA) opij ko ilo bukwon eo kwoj jokwe ie. Komaron lale opij ko rebaak eok ilo <https://go.usa.gov/xseNk>.

25. Ewor ao Medicare im ekar itok ao bill. Ta eo ij kommane?

Ne ewor am jimor OHP ak Medicare Savings Program eo im jipan ko jen Medicare im ekar iwoj am bill ilo am bok jipan kein, kwon call e OHP jikin jipan client eo ilo 800-273-0557 (ilo ejjelok woneen). Ejjab aikuj in kar wor woneen am bok jipan kein nan ne Medicare ejjab bok eddo ier. Ne ewor am kajjitok ikujjeen kon woneen jipan kein im ejjelok am OHP ak jipan ko jen Medicare Savings Program, komaron call e SHIBA program eo ilo 800-722-4134 ( ilo ejjelok woneen) ak Medicare ilo 800-633-4223 (ilo ejjelok woneen).

Oregon Health Plan : OHP Jipan in Ijjino

Kojerbal e Oregon Health Plan jikin jipan eo eped ijin ilal nan jipan eok kilen kojerbal OHP eo am ilo tumokaj in.

[English](#)

[Chuukese](#)

[Kosraean](#)

[Marshallese](#)

[Palauan](#)

[Pingelapese](#)

[Pohnpeian](#)

[Yapese](#)